


T5417/3971

4







CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
OCT 5 1939

宗子相集卷之四

門人

林朝聘  
黃中  
趙日新

黃才敏  
朱應遇  
陳汝揚

莊望棟  
謝符同  
鄭克曾

七言律詩

同余德甫王元美夜集明卿得何字

長安花落奈春何  
夜夜春亭載酒過  
駿去難逢燕市  
骨鳳衰重聽楚狂歌  
青天短髮垂今古  
明月孤笳散  
薜蘿醉後莫言歸  
騎晚浮雲猶自滿  
關河

天壽山一首

匹馬千峯曉度關  
相逢俱是紫宸班  
帝宮閭闔開

哈佛大學漢和  
圖書館珍藏



今日天柱華夷見此山萬里鴻歸滄海路七陵龍護  
白雲間漢家原廟松楸古夜夜西風吹瓊環

送劉武庫使雲中便道還楚

使君西問玉關遊閔吏應知紫氣流三晉暮雲停漢  
節七陵斜日攬吳鉤馬迴塞北青楓老人到湘南紫  
橋秋一醉洞庭明月裏可能不動薊門愁

送黃先生之江西

帝城楊柳何陰陰送客城南傷客心片帆斜掛九江  
碧明月一跳三楚深叔度西遊竟何意梁父日暮空  
苦吟高原忽憶美人遠愁見滿山楓樹林

寄贈子培赴試

秣陵佳氣即蓬萊湖月孤帆幾日開謝草常生康樂  
賦吳雲重見士龍才鸚鵡新翼江風起鴻鴈天書秋  
色來萬里風烟頻極目遲君匹馬郭生臺

張肖甫初至七夕同諸子酌之張園

細雨林塘花氣流長安片碣即丹丘羣公解佩山雲  
起七夕開尊桂樹幽玉杵聲殘河漢語紫簫吹落薊  
門秋乾坤此會誰能負吳楚兵戈日日愁

同元美夜集明卿值雨

秋雲此日滿長安那肯相逢不夜闌風雨驟隨雙騎



到。薜蘿况對一尊寒。愁心獨有中原在。俠氣君從北  
斗看。戎馬關山餘涕淚。十年空負漢庭冠。

送嚴博之浙

憐爾頻年任道塗。又携雙屐下江湖。向人白髮時時  
短。作客青山夜夜孤。賦裏秋雲迴鴈蕩。愁邊明月失  
龍珠。然藜起草聲名在。未許嚴陵問釣徒。

送張肖甫奉命督租閩粵二首

高天落日照中原。匹馬凌風出薊門。赤羽頻年荒稼  
穡。蒼生何處問鷄豚。七閩雨雪王程急。百粵樓船  
帝使尊。長孺不妨仍矯詔。寬租曾識漢庭恩。

武夷西望即羅浮。南斗雙垂寒不收。使者珮環青桂  
色。山家鐘磬赤霞流。投鞭滄海龍堪起。掃石天門鹿  
並遊。知爾未能深結隱。乾坤烽燧使人愁。

答明卿齋居見贈

紫微夜燦建章開。聖主親祠太乙廻。禁月千門龍  
馭肅。宮雲五色鳳笙來。金莖秋落仙人掌。白雪歌殘  
楚客才。莫謂汾陰能獻賦。漢皇當日問蓬萊。

寄于鱗

請郡當年意若何。使君猶自滯關河。客游五馬黃金  
妬。書去盧龍白雪多。千堞戰烽迷碣石。萬山落木下



瀟。沱。建。章。逢。尔。朝。天。者。芳。草。春。雲。聽。玉。珂。

與明卿對月得山字

與。君。共。拾。長。安。月。照。我。千。秋。壯。士。顏。中。夜。玄。猿。猶。自。泣。西。遊。黃。鶴。幾。時。還。玉。關。戍。客。仍。刀。斗。石。室。仙。人。空。珮。環。便。欲。乘。風。凌。汗。漫。浮。雲。何。處。是。天。山。

送許先生之任

南。去。孤。帆。逐。塞。鴻。一。尊。寒。雨。薊。門。東。曳。裾。鄒。客。明。珠。在。作。賦。梁。園。白。雪。工。日。落。瀟。湘。尋。太。岳。秋。高。荆。楚。過。新。豐。長。沙。不。必。嗟。留。滯。賈。傅。聲。名。自。漢。宮。

送人之河南

匹。馬。翻。翻。不。可。留。垂。楊。醉。色。滿。神。州。千。年。詩。賦。洛。十。月。關。山。雪。滿。裘。翠。壁。天。開。中。嶽。色。黃。龍。日。抱。太。河。流。知。君。萬。里。中。原。思。不。到。長。安。舊。酒。樓。

送朱邑博之滎陽

當。年。赤。帝。困。滎。陽。使。者。黃。金。計。獨。長。一。自。關。山。盟。白。馬。千。秋。楚。漢。只。垂。楊。君。今。忽。向。大。河。曲。懷。古。行。歌。明。月。光。華。髮。傳。經。知。不。恨。相。如。詞。賦。重。遊。梁。

徐子與至京夜集

去。年。握。別。贈。江。籬。今。日。相。逢。又。桂。枝。越。使。樓。船。羣。盜。出。漢。家。簪。紱。五。陵。悲。關。山。烽。起。秋。仍。急。鳩。鵲。雲。寒。夜。



不垂莫向天門歌白雪。人間楚曲正堪疑。

再集子與得山字

七首胡霜照客顏。相逢俠氣滿燕關。荆軻西去此其  
輦。易水東流不可還。天地只今飛赤羽。江湖何處問  
青山。悲歌忽憶行藏計。為爾雲霄愁珮環。

寄贈姜使君二首

搖落西風舊紫貂。一朝歸去逐山樵。郡中旌旆愁相  
失。道上豺狼任自驕。二楚白雲停涕淚。九江秋月卧  
蘭苕。北來父老頻相問。或有徵書自聖朝。

傲吏當年巖節旄。西風卧病廣陵濤。空亭獨對開名

酒。落日相看贈佩刀。彭澤千秋樵徑在。匡廬昨夜客  
星高。尔家最近瀟湘渚。莫為時人著楚騷。

送下從事之廣東

長安落日照胡纓。君去才高從事名。四馬關山衝薊  
雪。五羊人吏識江旌。署中夜嘯芙蓉幕。海上春衣翡翠  
明。驛使廣陵如可到。梅花今滿粵王城。

送唐參政之山西

搖落西風漢舊冠。當年奏草並琅玕。朝辭燕甸胡霜  
潤。春到龍門朔雪殘。行省紫薇羣吏夕。嚴關赤燧萬  
峰寒。使君頻擁旌旄出。多少蒼夷夾道看。



同諸子夜集德甫

華陽之館雲參差。誰其召我金屈卮。出門寒月一何  
白。握手明星奔欲垂。有客自負鸚鵡筆。為君獨把瑯  
瑚枝。相逢今夕且意氣。世路風塵安可期。

送玄陽山人歸吳

高楓搖落薊門遊。把酒青天夜倒流。世路百年孤鳳  
曲。霜華十月滿貂裘。去燕寧為黃金盡。過趙誰能白  
壁留。君到故園春草暮。姑蘇麋鹿正堪愁。

同子與明卿元美席上賦別于鱗得雲字

使者衣冠凌紫氣。五陵春色坐紛紛。中原獨洒蕪葭

浦。落日相逢猿鶴羣。永夜列星垂薊野。西方千騎亂  
胡雲。太行只尺愁風雨。何處晴虹可贈君。

送王比部之呂梁

南望黃河亦壯哉。呂梁之水如奔雷。飛流萬里崑崙  
下。急峽千峯日夜摧。漢署君為滄水使。徐方人識濟  
川才。登臨莫作觀濤賦。恐有魚龍處處哀。

席上同明卿送孫子升得春字

二月逢君帝里塵。一尊且為駐征輪。長卿白璧誰留  
趙。季子黃金又去秦。短劍不開閭闔雨。孤舟猶及廣  
陵春。江門十里垂楊色。莫把時名負釣綸。



送趙子隆下第南歸

閶闔天高急暮笳。一尊芳草又天涯。短衣孤劍且辭  
國。駐馬聽鴻日憶家。淮浦當年曾桂樹。楚江三月正  
桃花。君歸好擬長楊賦。豈向西風問釣槎。

送李僉事入浙

送別東門金屈卮。使君去矣問青驪。劍分紫劍星辰  
在。表上霜華日夜吹。南去羽書猶未息。中原豺豹爾  
何為。江頭諸將勞相訊。百戰勲名孰肯垂。

席上同子與德甫伯倫送別明卿給事赴謫豫

章得書字 席上賦

柳色千門照別裾。片帆西去是匡廬。洞中白鹿知誰  
待。醉後青雲任尔踈。落日蕪葭三楚客。高秋風雨九  
江書。漢庭多少夔龍在。獨有文園負子虛。

元美自塞上歸。暫駐城西携酒出視。

重來握手薊門城。落日悲歌淚滿纓。使者關山愁綠  
草。人家霜雪暗金莖。尊開片石雙蛟下。電走長松萬  
馬鳴。此夕相看不成醉。明朝白髮為誰生。

同李伯承比部夜過况吉夫膳部得真字 席上賦

陌上鳴珂散紫宸。相逢意氣轉相親。清尊細菊堪銷  
夜。走馬傳書易隔旬。九月衣裳同在客。千江烽燧遠



愁人憑君莫灑憂時淚。無數秋風白髮新。

答方懋藩見贈

十年裘馬薊門烟。一日逢君北斗邊。念我遲傳秋夜曲。開函半是白雲篇。歲寒蘭芷猶堪結。雪後琅玕倍可憐。聞說詞臣俱近幸。揚雄何日賦甘泉。

九日陪祀山陵二首

九日山陵木葉丹。北來秋色抱長安。天開紫極羣龍起。月照蒼梧萬騎寒。絕壁正當胡馬路。西風不落漢臣冠。青萸黃菊年年事。誰擬今從北斗看。捫蘿直上最高頭。萬里蒼茫生客愁。白露衣袍千嶂

紫微環珮七陵秋。月明遠塞知胡遁。風急長楊憇帝庭。天末彩雲如有意。至今常傍翠華流。

大雪張助甫席上同子畏賦得胡字

一夜西風吹大都。相逢朔雪滿長衢。衝泥匹馬時時立。入座寒雲片片孤。萬里長途驚白髮。千山一望斷蒼梧。可憐漢卒無衣者。猶自持戈夜備胡。

送萬公子歸豐城

青袍綠髮儼琅玕。歲晏趨庭去住難。帝苑佩聲天外盡。豐城劍氣斗間看。尊前明月雙鴻暮。江上梅花一騎寒。共說甘泉能獻賦。春風明日滿長安。



和朱主客冬至雪後早朝

茲年茲夕又春陽。千騎朝天總建章。金馬並搖蒼佩  
入銅龍。高傍紫微翔。斗間雲氣。舞鳩鵲池上。星華滿  
鵲鸞。何處詞臣歌白雪。知君此曲自三湘。

寄贈王侍郎時總戎薊鎮

相國提兵驅紫氛。年來羽檄罷紛紜。千峰夜戟吹胡  
雪。萬里秋笳斷薊雲。驃騎長呼遼左戍。單于三折漠  
南軍。麒麟錯落尚書省。青鬃歸來奉聖君。

待元美不至同吳峻伯席上賦

塞上音書胡不傳。逕君明月幾嬋娟。袖中芳草寒相

看。馬首梅花春自憐。孤角千家滄海戍。故人雙鬢薊  
門烟。塞帷莫訝星辰亂。知我行吟入斗邊。

况吉夫席上留別高伯宗吳峻伯汪正叔李伯

承張子畏諸君得西字

相逢春草忽萋萋。何限離情落大堤。楚客朝來歌白  
雪。胡奴星下問青驪。一尊明月愁環珮。孤棹晴雲入  
鼓鼙。縱有武夷秋可寄。天風不到薊門西。

上巳夜汪正叔宅留別諸君得寒字

三月三日開春盤。入門解珮聲珊珊。晉人曲水空芳  
草。楚客征衣自澤蘭。明月萬家沉鼓角。銀河千尺墮



闌干酒酣莫遣離歌起滿目江湖風雨寒。

谷子與見贈二首

建章風雨怨春芬。即有梅花難寄君。客計艱危羣盜在。主恩流落七閩分。古來詞賦悲玄草。亂後江山斷白雲。莫羨幔亭霞石曉。恐應先駐伏波軍。扁舟憶爾阻江濤。江上憑誰問楚騷。碣石空摧雙鬢短。武夷曾憶片雲高。芙蓉歲暮堪垂綬。魍魎山深有佩刀。聞說烽烟今滿眼。可能一慰聖躬勞。

夏日得素二丈書

雲望斷滄海邊。尺書西來誰與傳。眼前盜賊至今日。賦裏江山非昔年。清世何人洗兵馬。孤城有客愁烽烟。紫芋黃菊漫消息。秋風吹上湖東船。

又得素三子敬書

別君已是三載餘。歲歲梅花空泪予。千江盜賊偶停騎。六月鼓鼙還寄書。窮途青眼憶阮籍。茂陵病肺愁相如。天時人事且盃酒。他年逢爾承明廬。

與徐養浩湖泛二首

湖上扁舟今又歸。湖南生事日且微。白蘋盈把客携酒。青薜滿山吾製衣。烽燧秋高淮海路。兵戈天急射陽圍。滄江何限垂綸者。搖落西風舊釣磯。



短笛長簫何處船。草堂只在太湖邊。蒹葭十里吹晴雪。蘆荻千村生紫烟。世路關心羣盜在。茂陵多病一尊前。子雲自有長揚賦。肯向青山獨草玄。

贈陳隱君

有客有客歌采薇。六十翩然華髮稀。桃花千世憶秦水。蘿薜滿山裁楚衣。石上黃精歲歲長。爐中白雪時時飛。崑崙玄圃好同往。鴻鵠天風歸未歸。

句曲道中值雨時赴子與之約

垂楊孤騎出江門。西望鐘山帝極尊。萬里浮雲摧短劍。千峯秋色起中原。及時風雨一何急。入夜蛟龍

自蘇不分南川徐孺子。華陽三日獨開樽。

少文自昔耽卧遊。徐卿東來何所求。穿雲漱石不知暑。碧草青蘿今始秋。大風欲拔衆山去。驟雨如決千江流。明日峰頭弄笛者。高歌能不生我愁。

積翠亭子與晚酌

華陽風雨晝冥冥。一日登山秋滿亭。洞口高松垂地暗。尊前古壁插天青。千巖積雪照吾酒。萬片浮雲吹客醒。莫怪烟霞莽搖落。峰頭今夜卧雙星。

與子與登茅山絕頂風雨驟至

並騎華陽踏紫氛。振衣今日謁茅君。石門曲閉仙人



掌天柱高留帝女雲萬里江湖秋不斷二儀風雨畫  
難分山中瑤草如堪問吾欲常隨鹿豕羣

既别子與憶之

華陽十日醉不醒華陽一别天冥冥眼底烟雲失萬  
里向來風雨迷千壑捫蘿到處坐石壁走馬忽然開  
翠屏江國美人去已遠誰與玩此芳草青

登觀音山

一上孤峯破大荒吳山楚水共蒼茫雲間棟宇垂天  
渚江上鼉鼉吹石梁絕壁畫開夙雨色斷虹秋掛  
維長吾將從此尋瑤草黃鵠天風好共翔

登俯江亭

帝城秋色逐人來吳楚東南首重回風起大江龍抱  
石日高天柱客登臺一尊芳草晴相媚十里芙蓉秋  
未開酒罷忽歌湘曲水浮雲何處不堪哀

過涇訪王九江二首

二十年前讀子虛茂陵今得謁相如秋來莫菊仍携  
酒病起江山獨著書四海蒼生憂戰伐中原高士困  
樵漁武夷有約休相負歲晚芙蓉日夜踈

一尊秋色起蒹葭涇水東流走白沙黑髮孤臣悲去  
國青雲兩世見通家幾人江上貽芳草九月山中問



桂花安得淮南賦招隱與君終日弄烟霞

五言排律

人日謝茂秦李于鱗徐子與梁公實王元美偕  
集席上口占得夙字

雪霽燕山北。梅殘漢苑東。客星開夕燕。人日聽春鴻。  
綠髮愁堪短。青雲計未工。年華雙鳥去。歲事一尊同。  
湖海烽煙裏。乾坤聚散中。金花道對月。玉樹迥含風。  
筆共江淹俊。途俱阮籍窮。中原携數子。去矣上崆峒。  
樓中闕望家君報已赴蜀矣即悵然有賦焉

高心易折望遠思難窮萬柳風新碧千花雨較紅

亂山吹夕燧。絕壁墮晴虹。蜀道西南入。荆門灩澦通。  
獨將華髮意。長嘆錦江中。抱玉頻甘拙。辭金久失工。  
宦情摧白眼。歸思滿青楓。早晚音書到。關心碣石鴻。

傷春四首

歲華何在萼。芳草又參差。雲斷關河色。烽連楊柳枝。  
羽書千里急。鼓角萬山悲。紫陌紛相問。黃塵失所之。  
羯胡頻聚散。大將總安危。多少關心事。空將涕泗垂。

其二

鴈塞燒焚後。狐城水旱餘。荒涼自戎馬。戰伐且關閭。  
赤子瘡痍滿。黃金貢賦虛。星辰開將壘。風雨急軍儲。



聖主憂方切。羣公計莫踈。振衣空太息。慙媿賈生書。

其三

北闕平臨漢。西山迥接秦。風塵偏作吏。梅柳畏逢春。  
盜賊滄江起。征輸赤縣頻。生涯俱浩蕩。世路正艱辛。  
日月餘愁髮。乾坤有病身。何能遂倚劍。祇自失垂綸。

其四

野濶時仍鳥。山寒晝不花。最憐簪冕客。何事管絃家。  
馳馬去朝日。登樓起暮霞。青門懸萬里。白髮阻三巴。  
天地方戎服。江湖况使槎。獨將留滯色。惆悵對春華。

同茂秦于鱗南溪泛舟

昔賢悲曲水。今日俯長河。路險難車馬。橋荒先薜蘿。  
亂青來澗草。新綠散渠荷。千嶂尊中落。孤槎天上過。  
醉餘燕市酒。狂識楚人歌。鴻鴈飛何急。琵琶恨與多。  
雲留仙客履。日落野漁蓑。風雨蕭然至。吾如幽思何。

送沈儀部子文之留都

送君春雨後。把袂暮雲前。綠髮同禁日。青袍共住年。  
人言能拾紫。吾意在談玄。漢苑長楊賦。吳門折柳篇。  
才名時輩重。世俗宦情偏。梓里今垂綬。花巖昔問禪。  
橋從烏鵲入。臺是鳳皇傳。早晚貽瑤草。雙鴻遲北燕。

病中二首



浮世豈非昔。長愁直至今。風塵游子病。藥草故人心。  
白日銷危坐。青山入苦吟。簾窺新竹。網臺惜落花。深  
畏路甘名隱。浮生肯陸沉。獨將酬主念。久矣負投簪。

其二

茂陵消渴夜。漢圃倦遊年。日月愁中惜。形骸病後憐。  
鄉心時萬折。客淚晚雙懸。人老猶西蜀。春歸尚北燕。  
音書嗟白鴈。歲序怪玄蟬。獨抱無窮事。徘徊玉漏前。

送朱郎中使浙

鳳書天上至。龍節日邊催。兩越乘槎使。三都作賦才。  
客經芳樹斷。心逐暮江迴。綠水樵人宅。青蘋釣客臺。

山寒金粟落。巖靜玉華開。月照方窮谷。春深已去灰。  
觀風尋禹穴。題石向天台。多少長安侶。看君奏草來。

午日同李于鱗游天寧寺

得爾逸名者。今辰又少林。山高楊柳細。路險薜蘿深。  
古塔已凋翠。祇園曾布金。談經羣鳥下。聽法一龍吟。  
舍利光難滅。菩提跡豈沉。空虛能悟性。清淨不依心。  
雲竹窺禪相。風篁度梵音。僧來看果結。酒至對蒲斟。  
世事形骸苦。浮生日月侵。慈航如可渡。同此謝朝簪。

賦得邊馬有歸心

萬騎下青海。三軍赴紫荆。浮雲朝出塞。細柳夜歸營。



漢劍繁星墜。胡笳落月驚。千金投筆吏。白戰棄繻生。  
駿骨淒烽火。雄星老甲兵。長堤遍芳草。何處識咸京。  
病中茂秦見過

兩月文園病。千門落葉聲。客能携杖至。誰復倒衣迎。  
日月朱顏失。行藏短髮生。芙蓉消渴採。蟋蟀向愁鳴。  
几上分芝朮。江間憶杜衡。青編妨吏事。白雪損時名。  
久卧知朋好。何才答聖明。未應滄海路。終負野鷗盟。

寄魏山人

誰識忘機者。當年削跡人。羊裘寧負漢。龍劍不游秦。  
明月青藜杖。秋風白鷺巾。江華能自主。世故久相賓。

玄髮三千丈。浮生六十春。少微久寂寞。今復在垂綸。

聞陸子携家之金陵感而有賦

聞君棲海上。何意赴江東。况復青袍舊。其如白髮窮。  
龍蟠天府北。鳳去古臺空。日月悲歌裡。關山涕泪中。  
賦成三楚遠。名並兩都雄。書已留懷袖。春難問鴈鴻。  
相思兩去苦。多難向來同。漢苑摘詞者。看君慰轉蓬。

送王中丞巡撫山東

聖主開皇極。明公翊帝謨。朱衣持節苦。紫詔錫恩殊。  
涕淚思酬國。艱難在備胡。兵戈千嶺急。保障一身孤。  
豹畧雄三輔。鴻聲照八區。燕幽方整纛。齊魯復長驅。



地入關河迥。春迴草木枯。雲霄迎劍鳥。日月擁師徒。  
臺靜惟聞鳥。山空不見狐。功名懷呂尚。道術陋夷吾。  
海外寧干羽。天邊望斗樞。還看麟閣上。早晚列新圖。

送宗四道丈南歸

如何避世者。對此薊門煙。賈誼浮湘日。長卿授簡年。  
畏途殊慘淡。末路遂迍邐。遭雙髮。奔垂白。孤悰惟問玄。  
逍遙疑悟道。清淨類逃禪。跡豈漁樵隱。名將鹿豕全。  
紫霞隨意好。明月向人圓。不得從君去。羈愁倍可憐。

送胡比部之留都

吾憶同遊日。君今獨往悲。朱華聿云暮。綠酒不堪持。

莫劍看星動。孤槎卧雨遲。才名青瑣客。吏隱白雲司。  
鳳去仙臺古。龍蟠帝宇垂。三山天浩蕩。六代草參差。  
張衡賦澄江。謝朓詞芳蘭。如可折。千里慰相思。

湖上晨起

碧石高成削。江流直浸園。鷗鷺猶渚宿。鳥雀已枝喧。  
北斗青天墜。東溟白日翻。秋聲起橘柚。曉色出雞豚。  
玉露棲松迳。高霞落石門。漁舟忽停棹。髣髴是桃源。

喜雨劉沈許李四丈偕集

千家迷曉日。萬壑下秋陰。地迥浮雲直。亭高驟雨侵。  
羣鷗寒自立。一水坐能深。波動魚龍氣。天流鴻鴈音。



榮枯芳草色。憂喜故園心。長嘯無賓主。高談失古今。  
開尊憐阮籍。作賦見陳琳。豈作商霖望。聊為梁父吟。

趙山人再訪溪南

思鱸來釣者。題鳳向山家。樓入千村樹。池開六月花。  
停盃去黃鳥。掃石散朱霞。白髮便幽事。青袍駐歲華。  
病惟求杞菊。語必及桑麻。江水秋方濶。還期泛夕槎。  
冬夜沈李陸。禹盧潘諸文學。同徐山人集芙蓉

館分得前字

客到孤城暮。亭開萬水邊。晴虹標野渡。巖雪動平川。  
吾愛滄浪曲。誰聽白石篇。群鷗驚落木。孤雁下新煙。

楚澤樵漁在。吳雲涕淚偏。一尊聊永夕。雙鬢任摧年。  
春入寒衣後。歌停夜漏前。出門看嶺月。任爾妬嬋娟。

通州顧國子訪山中臨別成篇

相思曾漢苑。相見此江城。楊柳春山細。蘼蕪夜雨生。  
鳳題今日字。龍卧昔人名。世事孤心在。霜華兩鬢驚。  
艱危吾抱病。流落爾何情。作賦看霞墜。開尊坐月明。  
雙鴻睥睨暮。尺牘廣陵行。莫忘滄浪水。紅塵滿客纓。

出訪陸長庚不遇

出郊頻繫艇。築室不依山。樵者千林下。人家一水間。  
巖花春更碧。渚草夕仍斑。汝謂長逝世。吾將共閉關。



豈乘黃鶴去。何意白雲還。龍劍斗邊色。漁竿石上閑。  
玄芝應自摘。叢桂好難攀。惆悵當年語。丹書次第刪。

同何侍御遊大雲寺十二韻 寺在清源

驄騎中原下。招提絕域邊。黃金原布地。青石正參天。  
齊魯停盃外。蓬萊落鴈前。沙平樓閣直。路僻斗牛偏。  
法有玄猿聽。經知白馬傳。慈雲千嶺合。慧日萬家懸。  
樹結空中果。池開定後蓮。晨鐘飄積雪。夕梵度輕煙。  
群鳥頻窺偈。雙龍欲護禪。陰陽悲菟砌。今古慨桑田。  
岱色東無盡。河西可憐。問君逃苦海。何似賦甘泉。

送萬彥和貪憲之廣東

為郎依北斗。作賦重西京。雲裏金莖詔。愁邊滄海行。  
星文開鳳節。秋色動羊城。桂葉雙旌轉。梅花列戟迎。  
按章孤島入。攬轡曲江平。紫氣朝看劍。蒼梧夜動兵。  
迴風五嶺振。飛雨百蠻驚。潮起魚龍偃。珠來日月明。  
羅浮高可立。漠渤遠能清。吳楚干戈泪。乾坤竹帛名。  
縱橫粵王壘。慷慨漢臣纓。萬里還相憶。寥寥今古情。

省中夜直

紫微朝散署。玉珮夜分曹。明月天河白。晴雲漢闕高。  
春知摧蓂莢。寒未却衣袍。羽檄心恒折。閔河首重搔。  
世途趨水火。兵氣散蓬蒿。流血滄江滿。燃眉赤影勞。



誰人甘馬車。諸將豈龍韜。嗟爾平夷畧。空予賦楚騷。

余德甫吳明卿夜至賦得虛字

美爾荆高輩。頻年燕市居。悲歌人不問。擊筑意何如。  
愁得尊前緩。春從柳上舒。庭飛梁苑雪。吾憶楚江漁。  
寂寞思玄賦。蕭條諫獵書。誰其鴻鵠志。俗已鳳麟踈。  
兵車中原滿。星辰北斗虛。相看千古色。涕淚滿長裾。

秋夜張園遇談玄者有贈

萬里秋雲下。雙峰夜月初。空梁寒蟋蟀。山沼亂芙蓉。  
仙路青芝隔。玄亭古木踈。浮生俱客計。斯意久吾廬。  
雪爐中藥。黃庭石上書。簫聲何處起。髮鬢紫霞裾。

夜過明卿遲元美不至得今字

楚客如看昔。燕歌遂至今。羣情宜鹵莽。斯意轉蕭森。  
狂甚憐吾在。愁來獨爾尋。雙珠明月動。一酌暮鐘沉。  
天地逢人少。冠裳避世深。窮途惟白雪。失計自黃金。  
詞賦偏生色。風塵易折心。不知王子晉。何處夜抽簪。  
秋夜高伯宗徐汝思李伯承汪正叔張子畏况

言夫來集賦得難字

羣公何處至。鳴珮各珊珊。繫馬秋雲落。張燈夕吹殘。  
賓筵惟首宿。客贈有琅玕。月照千門白。星垂九塞寒。  
雙鴻迷碣石。斗酒自邯鄲。岩菊今逢紫。江楓昨憶丹。



誰家龍出笛。吾計鷓為冠。蟋蟀尊前度。芙蓉句裏看。  
吏情同去住。世路異悲歡。他日思瑤草。乾坤此會難。

將發京夜別峻伯得湖字席上賦

握手殊不盡。論心日轉紆。更誰憐鳳鳥。為尔繫驪駒。  
明月慘相照。浮雲寒不徂。客塗從浩蕩。帝里只須臾。  
豈為蒼生出。寧言壯士圖。安危群貴在。去住二人俱。  
君莫嗟齊瑟。吾將卜楚巫。椒蘭徒自結。魍魎作人趨。  
漁父何方去。靈均未可呼。宦情餘棘菴。生計久菰蒲。  
黑髮從今變。黃金自昔孤。敝裘辭北斗。短棹入西湖。  
倘遇尋秋色。悲歌問玉壺。

五言絕句

題畫四首

山徑度青波。石門遲白日。客到不披衣。春風理瑤瑟。

其二

暮嶂遠含青。春江空帶碧。細掃風前花。拋書枕蘿石。

其三

冥冥沙上鷗。潔潔雲間鶴。秋風厲羽飛空。山鷺寂寞。

其四

雨落千山南。月照千山北。山上把芙蓉。蒼蒼上動秋色。

春望



聞道春可憐。春今竟何許。石竹萬家煙。海棠三月雨。  
送吳山人

黃菊故人盃。青山游子路。匹馬向垂楊。回首燕雲暮。  
聞鴈憶子培弟

秋雨千峰散。寒雲萬里開。不知天際鴈。幾日故園來。

雪山

急雪冥上至。玄雲黯上垂。青山亦白髮。莫怪髮成絲。

聽笛

客有羌中笛。十月吹楊柳。楊柳不可見。春色在君手。

寄陸子

白鷺三洲遠。青山萬樹低。相思惟夢到。夜夜鳳臺西。

郊行六首

連騎出孤城。揚鞭一相語。楊柳遍春山。應從何處去。

其二

去去城南路。我馬忽以停。知爾不行意。春原芳草青。

其三

不識南溪路。借問道傍子。谷言從此去。桃花隔春水。

其四

昔聞南溪名。今識南溪路。去城不十里。今我來何暮。

其五



溪上有雙橋。一一龍鱗石。白髮倚春風。愧爾樵人色。

其六

高柳與新松。鬱鬱滿前渡。故園春不見。見此故園樹。

贈人之河汾

馬道下層雲。龍門倚積石。太平上書者。曾是布衣客。

送人還江南

行藏新白髮。歲月舊青袍。又向江門去。秋風荔薜高。

湖上雜言二十首

冥冥江雨飛。冉冉江雲細。何處見春華。蘼蕪滿園砌。

其二

人自湖南卧。春還湖上看。桃花千樹落。柳絮萬家安。

其三

白髮持竿者。江華坐晨日。垂釣勿太深。恐落蛟龍窟。

其四

白雲有樵者。携酒至山家。春風好同來。為吾掃落花。

其五

散步至西園。草莽充庭際。稚子好為除。恐有草中蕙。

其六

荷芰滿橫塘。出水一何長。風雨莫太驟。吾欲裂吾裳。

其七



熠上草間螢穿楊復入柳誰取向山房星辰四壁走

其八

赤日涸大江家家泣禾黍如何千峰雲不作千峰雨

其九

百花耀朝日日中常五色君看向日者唯有葵心赤

其十

清風下滄洲冷然六月秋錯疑白石走乃是夜行鷗

其十一

山前摘松子山頭拾桂花月明聞玉笛秋色在誰家

其十二

幽人夜不眠松下倚寒石秋月落江潭空里湛空碧

其十三

千澗起秋陰萬山驚夕暝松風何處來悠然飄夜磬

其十四

明月下大川孤鴻依淺浦不見舟中人但聞舟中語

其十五

秋江一夜語鱸魚處上多漁人走相約晨日理青裘

其十六

秋雲下斷鴻暮雨鳴叢竹湖上一尊酒共酌寒波綠

其十七



風起萬林寒。月出千峰白。門外蒼松影。疑是卧龍跡。

其十八

寒飈暗夕林。中夜忽以朗。晨起開石門。雪花大如掌。

其十九

冉上山上梅。皎皎山中月。月下摘梅花。幽香滿肌骨。

其二十

白雪滿湖村。夜深乃出門。湖邊千樹林。一玉龍蹲。

得余德甫書

使者自南來。授書報江渚。把讀滄波上。蛟龍作人語。

其二

白紵好裁衣。長短與身稱。豈無舊所著。貴自故人贈。

古意簡伯章

美人隔江洲。咫尺不得渡。不畏石上霜。但畏草間露。

懷高子明

作客清江遠。傳書白鴈遲。山中有芳草。遲爾把春卮。

夜立

秋風天外聲。明月江中影。幽人把桂枝。露下衣裳冷。

遲養浩不至

山中白日遲。湖上青春早。美人不我期。誰與玩芳草。寒夜同助甫。訪子畏見盆。草有歲寒之感。馬人



遂賦之

長安十丈雪。寒色滿荆榛。唯君只尺地。留得故園春。

其二

十月見薜蘿。青上似春浦。豈于歌陽春。色不敢去。

其三

百卉皆零落。如何爾獨存。豈无冰雪苦。一意遲王孫。

其四

自與美人期。芳草日轉碧。今日凌寒者。豈獨松與栢。

其五

訝雪中在。况逢燈下看。酒闌相把贈。疑是翠琅玕。

席上送朱主客得蕭春青西四字

朔雪尊前亂。西風馬上驕。胡笳中夜起。不似廣陵簫。

其二

孤柝那堪夜。垂楊不肯春。白雲何處至。吾欲贈歸人。

其三

雙樽行北斗。一騎望南星。春色隨君去。薜蘿日夜青。

其四

君到滄江上。桃花亂馬蹄。相思知有路。明月薊門西。

張助甫席上同吳峻伯白伯倫再餞朱主客南

還賦得江飛競渡日草見踏青心十韻

席上賦詩  
成三更矣



為惜美人去看梅到曉窓明河忽倒地疑已入滄江

其二

朔雪寒無賴胡雲凍不飛海門波浪急莫使近春衣

其三

夜夜歌陽春青皇失其柄君携瑤草歸蘼蕪孰敢競

其四

君來楚水寒君去燕關暮黃河十丈冰孤城不可渡

其五

郢客何方來為君鼓瑤瑟席上走楚雲盃中落湘月

其六

孤鴻碣石西匹馬長安道王孫及早歸綠遍江門草

其七

寒飈晝相憶悲歌夜相見斗室豈天台落盡桃花片

其八

停盃問明月明月不能吞相隨下江潭夜把蒼龍踏

其九

一酌寒仍綠千峰夜失青逢君能幾日摘盡薊門星

其十

北風送君去吹我故園心直掛廣陵樹春來亂鳴禽

臘月十七夜月同峻伯助甫席上賦



胡霜日夜驕。吹破蓊門月。月色幾時圓。待爾照春髮。

右得月字

西風裂天荒。銀河翻巨浪。殘月東海頭。至今不可上。

右得上字

寒飈動月華。桂樹漸無葉。一葉落人間。變作階前莢。

右得葉字

既喜明月來。復惜明月去。吾欲破青雲。坐尔口口處。

右得去字

白伯倫儀部移居夜階助甫司封訪之席上賦

得卜居赤甲遷居新西見巫山楚水春十四韻

席上賦登卷  
漏下三鼓矣

客子騎明月。主人開石屋。銀河即尔家。豈待成都卜。

右卜字

卧君白雲床。讀盡紫霞書。桃花亂墜酒。疑是武陵屠。

右屠字

童子摘松枝。敲冰煮白石。萬里天風來。吹作珊瑚赤。

右赤字

龍劍割芙蓉。十載閉其匣。壯士為尔開。滿地走鱗甲。

右甲字

醉尔華陽館。如登崑崙巔。白雲一長嘯。青山日夜遷。



右遷字

君試探玄草。吾能把素書。問竒頻載酒。真作子雲居。

右居字

朔雪不肯去。客衣何處新。尊前歌綠草。愁殺薊門春。

右新字

聞君佩玄珠。明月中夜朗。莫作江湖遊。白日愁眉兩。

右兩字

美人隔江干。只尺不相見。終日望秋鴻。忽已來春燕。

右見字

客言湘水至。綠雨泣蒼梧。恐是懷沙泪。雙垂問大巫。

右巫字

問君何所愛。庭戶滿西山。夜夜仙人至。時時拾珮環。

右山字

夜呼洞庭君。明月破三楚。開門拾楚雲。片片作人語。

右楚字

主人出家醅。千酌葡萄紫。不問江南人。知是江南水。

右水字

落月頻催酒。羣星低送人。句中楊柳色。不是五陵春。

右春字

贈吳張二子



望君白雲邊。逢君明月下。明月豈銀鞍。去住隨君馬。

其二

自我遣明月。終夜照君屋。嬋娟未解情。只在階前宿。  
七言絕句

送王比部元美使江南六首

薊門秋草萬山青。送尔天風下渤海。紫氣從今蔽南斗。何人更識使臣星。

千門羽檄正紛紜。摧落西風此送君。匹馬關山秋色裏。胡笳吹斷萬峰雲。

北斗天門高自看。銀河錯落滿闌干。何當折贈秋江

女。白露青楓夜上寒。

使者金羈控紫騮。月明琵琶共登樓。酒酣一鼓湘靈曲。天外星辰忽倒流。

袖中雙劍削芙蓉。到處秋雲幾萬重。南去不須頻出視。恐令白日下蛟龍。

大江中斷是金山。山上瑤華爾獨攀。明月天高秋萬里。何人不作弄珠還。

塞上歌十首送王侍郎赴薊鎮

司馬頻年西破戎。詔書又下九華宮。親提萬卒如風雨。一夜來屯紫塞東。



寒南塞北盡烽煙。胡騎縱橫二十年。報道今秋須遠  
徙。漢庭司馬日行邊。

千里關山擁帝京。萬村烽火照連營。天高玉塞朝催  
戰。日落黃河夜勅兵。

榆關北望陣雲高。五月天風吹戰袍。共說總戎王相  
國。十年身佩舊虔刀。

楊旌出塞擊樓蘭。把劍胡天萬里寒。紫氣憑陵邊月  
色。兩軍驚傍半牛看。

躍馬提戈佩紫貂。漢關那數霍嫖姚。護軍飛將龍庭  
南。縛得名王不敢驕。

塞外群山落日登。黃沙縹緲白雲層。天連睥睨盤三  
輔。地坼龍蛇奠七陵。

悲風搖落大荒迷。白草黃雲散鼓鼙。直遣漠南無隻  
騎。燕然不羨漢臣題。

白羽親成露布文。滿天愁色結寒雲。二軍盡賞葡萄  
酒。九塞傳歌虎豹群。

山前漢使尺書飛。山外胡兒匹馬稀。擊鼓吹笳醉邊  
月。今年無事着戎衣。

再送王元美四絕

漢使朱衣塞上行。燕關落日照長纓。酒酣忽嘯青天



色坐使浮雲不敢征。

吳鈎錯落白如霜。腰下龍珠夜月光。今日贈君春草去。一天風雨下滌陽。

春風千隊簇芙蓉。白馬長驅似白龍。君到榆關歌出塞。萬家明月泣胡烽。

太行斜壓萬峰低。北斗天門咫尺迷。爾去高歌逢五馬。白虹雙掛石梁西。

送葉令之蒲圻

錦水曾傳茂宰名。分符又向武昌城。瀟湘春色隨君去。千里蘼蕪一夜生。

停車無限楚山青。芳草春雲接洞庭。縱有琵琶君莫鼓。萬家風雨失湘靈。

贈余德甫奉使兩浙四首

天風匹馬向西湖。明月千家醉白榆。莫上釣臺聽夜笛。霜華吹破客星孤。

赤城霞起是天台。明月蕭聲落早梅。昔日胡麻君莫問。桃花不放石門開。

秋雲鳴珮入金華。綠眼仙人掃落花。無數石羊餐古雪。知君已到赤松家。

鴈蕩千峰插斗墟。彩雲終夜護丹書。月華萬片寒相



逐拾得天人白玉裙

得顧洛陽書却寄四首

長安風雲怨離羣何處看梅不憶君使者青函天外  
至開書片片落嵩雲

七月垂纓出建章薊門秋草怨胡霜相思化作長堤  
柳一夕春風遍洛陽

洛陽城北春雲稠洛陽城南伊水流伊水泠泠去不  
返千山萬山明月愁

青天直渡大河津河上傳經煮白鱗回首千峯桃李  
色知君愁殺武陵春顧子別業在武陵溪上

送素令之夔州

送君何處折梅花南去關山多暮霞漢吏由来能化  
蜀馬前春色動三巴

春風二月到瞿塘白帝城邊春草長不必桃花滿千  
樹他年人亦比河陽

寄陸長庚

江上茆堂倚石孤清尊紫菊歲相呼別來千里看鴻  
鴈明月愁心落五湖

得明卿書却寄二首

逐臣西去楚雲長猶有音書到帝鄉莫訝開函龍氣



滿知君六月過濠梁。  
意爾秋風滿敝裘。計程應醉百花洲。如何徑作瀟湘。  
去洲上芙蓉日夜愁。

酬宋文得蘿字

射陽湖上春水多。射陽湖北長青蘿。君歸莫向湖中  
卧。恐有蛟龍不得過。

酬峻伯得屋字

山人十載出山屋。手把瑤枝騎白鹿。風雷一日走千  
里。雙龍夜夜愁天目。

酬助甫得送字

白雲忽向黃河送。黃河至今不敢凍。盡道河中走  
龍只今席上行秦鳳。

相逢曲

千騎東來紫電生。西風吹雪滿胡纓。將軍且莫千恩  
澤。聞道單于未罷兵。

酬助甫二首得楚圻二首

君昔驅龍下三楚。湘妃漢女愁江渚。豈有高歌散白  
雲。至今老樹作人語。

赤珠射斗牛。欲折相逢疑是鮫人宅。忽然酒酒作江  
湖。明月長吹千里碧。



題方懋藩邸中小石

仙人鞭石過滄溟。片碣千秋落此亭。昨夜白龍驅不  
去。天風吹出武夷青。

明月出同峻伯助甫席上賦得深字

飛來明月掛千林。滿地霜華吹客星。故國魚龍何處  
卧。白雲愁殺楚江深。

得歌字

露下金莖吾自歌。與君中夜踏天河。可憐一片長安  
月。曾向江門照薜蘿。

得書字

吾欲驅龍走太虛。為君赤手摘蟾蜍。天台三十六峯  
裡。何限仙人把素書。

得虹字

薊門朔雪亂天風。風落千家走白虹。馬上月明揮不  
去。知吾夜夜醉新豐。

新春贈李司封子藩用助甫韻

李白逍遙供奉班。高歌白雪向人間。未須採作長安  
曲。恐有青春不入關。

綠玉仙人截海過。石梁千尺駕鼉鼉。相逢贈我金光  
草。處處青山愁薜蘿。



鳴環踏月拾嬋娟。雙劍驚逢北斗前。紫氣朝來垂馬首。何人不作五陵煙。

海南巨浪抱羣星。海上愁雲日夜停。豈謂芙蓉春不渡。短簫吹破萬峰青。

春風走馬玉華東。腰下明珠浸碧空。疑是羅浮山上月。為君終日控長虹。

夜月懷明卿

逐客音書久不聞。天風吹斷楚江雲。相思惟有長江月。拾得嬋娟難寄君。

處處青楓急暮砧。萬山秋色怨瑤琴。美人只隔湘江

水江上浮雲愁我心

正月十二日夜同助甫過李子藩賦得湖西二字

孟中明月醉屠酥。南去晴雲夜可呼。聞道五陵歌玉

樹家家拾得紫珊瑚。

紫簫吹散夜烏棲。萬尹春星濕馬蹄。玉女霓裳知有

曲。春風莫到帝城西。

得子與書寄贈四首時子與駐節句曲

聞君遙住三茅峰。峰上傳書遺白龍。携得江南春色

到。開函飛出紫芙蓉。

春雲控馬入華陽。千尺晴虹踏在梁。倘遇赤松歌夜



月知君十日醉玄霜。

何處高歌踏紫氛。袖中瑤草白紛紛。夜深忽弄崑崙  
笛。驚破仙人五色雲。

貞白祠前掃赤霞。大江明月走晴沙。天風吹落陽春  
曲。散作千門楊柳花。

寄贈方隱君六首

隱君家在九華山。夜夜春風吹佩環。雙袖白雲留不  
止。化為龍氣滿天關。

碧溪之上何者磯。銀河倒夾青天飛。中流短笛弄明  
月。驚起玉螯無處歸。

日晴雲向武夷。芙蓉千尺插天池。池邊白鹿春無  
數。叱向高巖耕紫芝。

山中高卧六十霜。青雲為珮霞為裳。南溟六月赤虹  
起。羣仙跨之來翱翔。

九鯉湖邊黃石家。安期之棗大如瓜。割來釀作崑崙  
酒。醉殺桃源萬樹花。

洞簫吹破嶺雲高。玉女峯前採碧桃。三丁六天風露  
冷。臨行解贈赤霜袍。

峻伯夜過遲助甫不至各賦嘲之

胡雲片片亂胡霜。匹馬東吹明月光。何處美人期不



至漢家歌舞在平陽

席上留別高伯宗四首分韻

仙人掌上別金莖露冷千家醉月明天外武夷君莫

問春風無限薊門情

萬里江花拂石橋孤槎去弄廣陵潮雲中倘遇崑崙

子寄尔秦時碧玉簫

大江南去片帆輕江三浮雲日夜征回首帝鄉春色

遠萬家楊柳為誰生

振策天風下七閩當歌愧尔楚江人夜深忽鼓湘靈

瑟處處梅花愁遠春

月夜再別諸君二首

何處簫聲墜月明天風吹亂武夷情嬋娟萬里秋如

水吾欲乘槎問太清

露下金莖鷓鴣愁銀河倒逐絲雲流携君一片長安

月去醉千江白鷺秋

華陽明月曲同子與賦

月滿空山青不流仙人來贈紫雲裘一尊高卧藤蘿

上醉殺華陽萬里秋

百尺銀河叱作橋看予直度赤城標雲中雙鳳翩翩

下秦女何方弄玉簫



無數星辰檻外看。月中環珮近。翊上天。風忽送。霓裳  
曲。飄落千峯。翡翠寒。

青天倒插石門高。夜半仙人獻碧桃。萬頃烟雲蕩松  
檜。為君山上起江濤。

玉露清秋啼夜鳥。高空明月萬山旅。嬋娟忽隊珊瑚  
影。處處幽人尋白榆。

月華萬月散天門。拾得清光滿客尊。醉起白雲如可  
駕。吾將乘此去崑崙。

華陽道中奉別子與

三下高峯坐碧梧。西風明發問驪駒。袖中一片華陽

月。贈尔揚帆過太湖。

共持瑤草下天闕。萬里秋風吹別顏。馬上白雲晴不  
散。知君到處問青山。

蕪湖遇陳山人鶴席上分韻贈之

江雲萬片落胡床。斗酒高吟明月光。自逢君出玄  
草。滿天霜色似華陽。得陽字

白鴈青楓楚客悲。相逢猶及桂花枝。萬山明月孤帆  
色。送尔江湖隨所之。得悲字

相逢秋色起蕪關。明月千峰未可還。莫惟征衣霞氣  
滿。知君家在會稽山。得還字



過采石懷李白十首

聞闔天門夜不關。酒星何日謫人間。為君五斗金華露。醉殺江南千萬山。

憶君乘月下金陵。何處吳山不夜登。一曲瀟湘秋萬里。至今疑在白雲層。

楚水秋風薜荔高。千帆明月大江濤。娥眉亭下莫容色。猶似當年宮錦袍。

夜夜銀河倒不流。長虹西掛綵雲愁。醉來江底抱明月。驚落天門萬片秋。

到處孤槎秋萬重。滄江終夜卧魚龍。天風驅尽瀟湘

色。祇為仙人破醉容。

秋山萬仞落秋潭。无限青楓好駐驂。君跨長鯨去不返。獨留明月照江南。

采石磯頭坐白雲。歸來瑤草亂紛紛。夜深吹笛江亭上。明月窺人恐是君。

楚江南折是天門。江上蛟龍日夜喧。為尔片帆開幕雨。至今秋色鎖雲根。

短筇踏破楚山青。日日蒼梧醉洞庭。何事淹留姑熟水。千秋風雨怨湘靈。

西望匡廬接九華。當年醉色傲烟霞。可憐一片寒江



月猶為千峯護落花。

聞張山人在蕪湖不得見懷之

采石磯頭秋雨晴。蕪湖城外暮潮生。美人只在江波上。十里芙蓉愁月明。

懷海樵山人

海樵山人雙紫髯。道上相逢開石函。贈我芙蓉千萬片。至今秋色滿江南。

涇縣望桃花潭

即李白題詩  
贈汪倫處

桃花潭水近陵陽。潭上春風滿石梁。流水不隨仙客去。秦人何必渡三湘。

仙人石

秋風夜渡仙人石。百尺奇峯掃天碧。我欲捫蘿枕石眠。明月偏醉廣陵客。

王子夜半來過席。間有贈走筆相答。

秋雷一動蛟龍走。王生夜半尋五斗。把酒向天天忽開。星辰錯落亂吾手。

夜召明卿報言病。目畏燈火走筆戲簡二絕。

秋雲落盡瀟湘曲。更有何人抱寒玉。堂前銀燭豈黃塵。相逢不肯開君目。

昨日見君雙眼青。今日見君雙眼赤。江南百戰天地



摧豈應欲化萇弘碧○

八日大雪峻伯助甫來過賦得榆愁門陽四字  
七日之春七可呼相逢斗酒醉屠蘇却疑金勝天門  
墮把向階前成白榆○

已知青帝坐青陽玄冥使者猶飛揚不是春風吹不  
去知君欲誇白虹○

春色尚閉楊柳園楊花柳絮何翩翩胡奴繫馬庭前  
樹疑是玉龍來叩門○

凍雲裂破青春流天門牛女爭春秋剪碎銀河幾萬  
片一宵白盡青山頭○

席上酬功甫

檻外春雲控紫驕腰間明月冷吳鉤酒酣把贈天風  
起吹作湘江白鷺秋○

助甫宅見盆梅同子藩賦之得東愁二字

徑尺蒼虬墜碧空天風吹作玉玲瓏尊前明月爭相  
拾怨逐仙人過海東○

斗室梅花玉笛愁相逢疑在赤城頭何當擲尔瀟湘  
去處處鮫人驚白鷗○

白雲樵者

赤城花落掃春氛夜夜仙人弄白雲雜佩幽蘭何處



得洞庭明月問湘君

十日峯頭摘白雲月華相逐夜續紛曉來片片晴虹氣恐是仙人素練裙

青霞樵者贈功甫

何處樵人拾古沙石門風雨閉桃花相逢為製秋江笠摘盡峯頭萬片霞

附錄

五子述

姑蘇俞允文

山東李于鱗憲副名攀龍為文刻意尚口不樂貴任一日輒自稱病免出桂門自脩不詭于時有耿介

之操

吳興徐子與太守名中行夷度醞藉製清融得其藻蔚言議津津靡見乏源尤喜為篤厚之行而不自盛滿元美云子與性味如醍醐無處不入余每謂之知言

荆楚吳明可給事名國倫負不羈之才好自為之慢世雖屢搆抑猷而奇篇弥出抑亦亭伯之流也

廣陵宗子相學副名臣倜儻闔澤搦管興文殆無留思當之者辟之小巫而見大巫便欲神氣俱盡

吳郡王元美憲副名世貞神儀俊朗雄志邁倫合組



聯繡惟其所長其意以為兩司馬而下勿論也假  
令嗣其才力豈可量哉

右五子者皆當世名士也余始與五子之徒元美  
友善而明可時以中舍詣京師道經吳郡見余所  
為贈元美詩遂乘扁舟訪余不遇而去時有縣令  
要之不得而余亦不知明可之嘗至至今未得接  
識明可也後三年而子與以比部郎中錄囚按縣  
遂辱枉車騎述叙高旨有加平生之歡比子與又  
云子相在閩中每相念之明可亦時詣京師當  
復方舟而來也今獨于鱗抗志屏迹之川阻脩元

美在青州以家難亦輒自免去淪漂燕齊之間是  
惋惜耳初五子同官京師以不能苟全取容相繼  
遷轉咸離隔遠至數千里或終歲乃得問焉而余  
負瘵蓬室跼蹐而處往亡徒以聲氣相吹噓尤令  
人歎慕深也竊又以為人之趣舍異塗雖結髮以  
至白首而不相知情意氣懸合則窮山極海儻有  
聞焉誰能間之是以火井沃泉而弥烈靈鐘應霜  
而自鳴氣之感也豈以其跡之相比哉是余與五  
子不必盡識也撰五子述

五子詩



謝山人榛

李攀龍

謝生吾黨彥輾軻京洛陌不惜黃金去但傷朱顏擲  
韋布豈盡愚咄嗟名士籍握手金閨人中情多所適  
目若營儔匹躑躅難自釋脫屣公卿前捋鬚坐其席  
冠蓋羅長衢染翰日相索遂令清廟音乃在褐衣客  
一出遊燕篇流俗忽復易還願望鹿門矯上青雲翮

徐比部中行

徐生一何俊本自青雲安十年住天目含意多素辭  
既聞風雅音三嘆文在茲矯上願尚書眇昧惠前綬  
念為理清曲高言唱者誰躑躅流俗間携手不相疑

時髦滿要路各謂中心私世人豈同願吾道欲委蛇  
黃金買大藥朱顏庶可持物理率如此和光難獨窺

梁比部有譽

梁生起南海負氣何倜儻北交中原士徘徊得吾黨  
高名豈宿著一朝奮鴻響時俗既淆濁振衣念獨往  
禮法難為工局促向天壤王喬可等期服食理非枉  
引領還羅浮願言稅塵鞅俯視大河流逶迤浮雲上  
盛衰隨物化世情自鹵莽吾意當告誰黃金如偃仰

宗考功臣

婉婉維揚士早歲絕人識結撰有至思先民乃遺則



時俗徒嗷上此物知者得鬱上獨往心百折江河力  
披覩他自媚我意安所測言念携手好榮名與令德  
浩蕩陰陽移吾道相終極語及千載事愀愀動顏色  
中懷誰可喻文章亦經國一為麟鳳言三歎加食食

王比部世貞

元美何翩翩夙昔秉靈異京洛多冠蓋操觚各自媚  
所遇無此物識曲聽其偽大雅久沉邈時清作者至  
俛仰知音稀含茲未伸意但坐奮逸響側身向天地  
虛名豈誤人依依千載事浮雲相攬持白日一高視  
四顧命儔匹中懷誰可致凌厲于長氣文章此未墜

謝山人榛

徐中行

落落滄海客高視翰墨林披褐登燕臺悲風吹我襟  
躑躅冠蓋間四顧營知音淫思構篇章一一郢中吟  
交李道益廣救盧義何深中懷皎白日末俗徒黃金  
妻子且不問况乃腥腐侵食膽豈不苦斯文故難任  
茫上四海內獨用千古心不學蓬蒿士悠上空陸沉

李即中攀龍

此物孕靈造顯晦洵有神寂寞漢魏後乃復挺斯人  
矯矯秉孤尚流俗誰相固直視千載前識曲辯其真  
昌運幸中啓羣英咸來臻玄夜昇海日昭灼開迷津



衆星何歷上周環隨北辰遂令同心者周旋若一身  
曰日發高唱青天氣益振側身望泰華可以表嶙峋

梁比部有譽

梁生南海彥早歲控明珠滔蕩秉大節深湛思獨殊  
獻賦聊薄遊偶與同好俱揚摧得冥空清響奮天衢  
大雅一以振巴人空濫竽濁世多局促中懷慘不舒  
振衣謝塵網逝將還舊廬增城與羅浮仙人可等期  
伊余薄世戀夙昔同玉趨安得凌風翼與爾長相須

宗考功臣

吏部信瑋傑洞識一何早岩廊豈不逢藝苑從所好

仁時美遊遨清飈洒蘭藻握手時髦前論心感同  
矩矱懷先民努力肆探討嘆息向日馳健翮凌風矯  
探珠萬仞淵倏忽得至寶傷彼擊缶徒悠上亦空老  
首為金石盟海内存此道時難交弥敦歲寒共相保

王比部世貞

元美自名家弱齡騁高步駘蕩尚書省深衷托詞賦  
雅鄭難為聽聾俗多所誤寥上韶濩音師洵獨早悟  
卓犖李中郎携手即廣路騏驎熹服驥千里不反顧  
高歌送浮雲陰陽莽回互調笑天地間焉知中所慕  
千載亦須史寧論貴與富惟有瓊瑤篇可以垂竹帛



謝山人榛

梁有譽

矯矯被褐者江海自淪跡貧賤心所安願領豈摧抑  
用拙不求羸憂在騷雅熄窮來抱影居澹詞蘊古色  
耿七烈士心更著排難力恩銜越石徒友道不荆棘  
恥貸監河粟甘從於陵食俛首問妻子汝胡飢寒逼  
蹈海乃何人長嘯吾自得富貴與榮名松菌固殊域  
燕石誠可矐口珠盡堪盡今古自一時鴻冥詎能弋

李郎中攀龍

大雅日已遠斯文競馳騫如何捨周鼎典濁實康瓠  
李生奮東海深託毫素凌厲百代前詞源盡傾慕

智用脩綆汲道由斲輪悟繁聲盡捐屏至樂在韶濩  
刻商雜流徵衆耳信驚怖悠七復何言邯鄲踈其步  
浮沉將安之歲月不我顧漢署共遨遊相期保中路  
瓊珮紛偃蹇美人恐遲暮八極自揮斥先民有遺度  
徐比部中行

徐子負逸氣本自吳會竒邂逅協心許在昔未遇時  
夙有食霞情空抱世網悲揆余秉微尚泔魚傷暮知  
握手自高吟一一金石辭賦客盡傾倒珠光炫陸離  
詞園豈浪名作者見於斯立言多苦心河清詎可期  
荃蕙化為茅陳詞欲訴誰驟乘賦已遠執戟志仍疲



感彼同懷人塊無雜佩貽勉哉躰明德歲寒良不欺

宗考功臣

吏部慷慨人早歲耽著作所得皆經竒鬱上濟世界  
高視凌千載詞賦悼寂寞結藻燦國章著論麗丹雘  
感時賦長楊菁華歎昭燭龍耀天街葑屋徒螢爝  
復古力何雄憐才意不薄末俗振風騷平生重然諾  
莫逆今昔希詞盟欣有託古來賢達士道在從龍虬  
瞻彼肅肅羽萬里翔寥廓邴生宦業傲懷恩向丘貉

王比部世貞

藉甚天下士王生名日振玄成有世業江左挺斯人

早窺竹素園作賦揚馬倫新篇扣哀玉激烈叱鬼神  
酒後雅吳詠俠氣陵高旻傲倪天地間誰知肝膽親  
詞人久衰謝栢梁徒塵埃生也抗高義斯道不緇磷  
鼎鉉期俊功揚聲天路津豈學蓬蒿子白首徒苦辛  
余慚梧臺石君邁連城珍用舍固殊轍感贈以書紳

謝山人榛

王世貞

脫屣平原客振衣燕昭臺吾人寔龍矯白日天崔嵬  
廣陸奏清商悲風四垂耒俯仰狎世觀一二當中懷  
拯厄不顧知中介有餘諧親者無愧親排者任其排  
蕭索一葦裳傲睨千古才擾上冠蓋徒零落青門埃



李郎中攀龍

織阿出溟渤皓魄中天發列宿豈不顯杳然精靈攝  
鼠蜀甫也神遷竒自禹宄斯豈一世尊流行神不沒  
夫子揚嘉馨千載馭飈軌思排入淵曠象成自昭晰  
至理中所賞胡然見時悅夫子乃沉淪紛上亦淹忽  
六合慘淡間微生借嘘拂並嘯倚崆峒蒼上極秋色  
上有三危露芝菌芳樛結攀英綴其滋虹霞動靈宅  
却咲羨門者長生等澌沫

徐比部中行

藹上洵吉士產秀自天目泠泠穆風披青陽振膏馥  
調氣翫時人幽懷被商曲籟甚揚瑚璉離哉思鴻鵠  
諧予旣以邁為歡數代燭柔條沃嘉霖雖罷中所欲  
良璞困鑿錯連城謝其琢吳志理無浹願言重相勗

梁比部有譽

大溟湛珊瑚陸離灼叢條龍伯何神舉弱緯連六鰲  
之子為國經含英奉清朝汎瀾先民蘊眷念首陽椒  
內神形俱歛匪戰理自超崇賤或千鈞貴若等逝飈  
羅浮七十二一一摩層霄玉笈子長往金微予罷操

宗考功臣

伊人璠璣彥履盛無嬰躬豈鮮盈門軌匪其經寸裏



遐筭外服食凌古乃譙冲斯道苟不蕪排衛當誰功  
沉淪知夜光鴻鵠高天風在矢射彭城逸勁飲石梁  
誰謂漢哉廣裏餽航扶桑竦息太華巔羣途杳茫七

囚懷詩

懷元美

瑯琊山上越王臺秋色高臨海色開莫向中原看落  
日浮雲萬里為君來

懷明卿

豫章西望彩雲間九派長江九疊山高卧不須窺石

元秋風憔悴侍臣顏

懷子相

越王城上黯銷魂萬里秋風動薊門君自平生稱國  
士南遷豈負信陵恩

懷子與

肖山忽送七間秋大海遙連百粵流落日孤城風雨  
王寮惟何處不堪愁

懷子鱗

渭水秦關天上迴使君持節馭風雷不妨萬里無書  
寄紫氣常從西極來

懷元美



六月揚兵大海東書生亦作萬夫雄匣中雙劍無顏  
色倒吸天河吐白虹

懷子相

九曲溪流繞幔亭峰前梅色晝冥上故人無限中原  
思撫劍歌來祇自聽

懷子與

風塵策馬路俱迷爾得汀江似武溪花落案頭無一  
事尋仙時過玉華西

懷子鱗

黃鵠秋翔大華顛坐攀仙掌撲青天乘風忽傍東溟

轉矯首扶桑帝日懸

懷明卿

鴻歸重枉豫章書不向釣天夢帝居若使府公誇東  
帶使携妻子入匡廬

懷子相

越王山撞七閩秋天入東南大海收雨後虹霓初不  
見何人截作釣鼈鈎

懷子與

武平之山勝武夷河江如色學字移但道江山多氣  
色不如新著謝公詩



